



Comunu de Bauladu
Comune di Bauladu

VERBALE DE DELIBERATZIONE DE SU CUSSIGIU COMUNALE

NÙMERU 42 DE SU 12/12/2019

OGETU:	APROVATZIONE DE SU PROGRAMMA PRO S'AFIDAMENTU DE INCÀRRIGOS DE COLLABORATZIONE AUTÒNOMA PRO SU TRIÈNNIU 2020/2022.
---------------	---

S'annu duamìgiadeghennoe, in die dòighi, de su mese de nadale, a is 2 de merie in sa Domo Comunale de Bauladu, cramadu dae su Sìndigu cun lìteras iscritas cunsignadas a norma de lege, si est reunidu in sessione istraordinària e pùblica, de prima cunvocatzione, su Cussìgiu Comunale in is persones de is Sennores:

Davide Corriga	P	Giovanni Battista Pes	P
Chiara Palmas	P	Anna Maria Pintus	P
Marta Dessì	P	Anna Matzutzi	P
Elia Zucca	P	Rita Soru	P
Carmine Consolo	P	Martina Atza	P

Cussigeris chi pigant parte: nr. 10

Cussigeris ausentes: nr. 0

Partètzipat a sa reunione sa Segretària, Dott.ssa Donatella Mancosu.

Su Sìndigu Dott. Davide Corriga assumet sa presidèntzia e constatadu su nùmeru legale de is intervènnidos pro pòdere in manera vàlida deliberare, decrarat aberta sa reunione.

SU CUSSIGIÙ COMUNALE

Fatu riferimentu a:

- s'art. 42, comma 2, lìtera b), de su D.Lgs. n. 267/2000 (Testu ùnicu de is leges in s'ordinamentu de is entes locales), chi atribuit a su Cussìgiu Comunale sa cumpetèntzia in matèria de programmas, relatziones de previsione e programmàticas, pranos finantziàrios, programmas triennales e elencu annuale de is traballos pùblicos, bilantzios anuales e pluriennales e variatziones relativas, torracontos, pranos territoriales e urbanìsticos, programmas anuales e pluriennales pro s'atuatzione issoro, eventuales dèrogas de issos, pàrreres de atuare pro is matèrias mentovadas;
- s'art. 3, comma 55, de sa lege n. 244/2007 (finantziària 2008), gasi comente sostituìdu dae s'art. 46, comma 2, de su D.L. n. 112/2008, chi resat: *«Is entes locales podent estipulare cuntratos de collaboratzione autònoma, indipendentemente dae s'ogetu de sa prestatzione, isceti cun riferimentu a is fainas istituzionales istabilidas dae sa lege o prevididas in su programma aprovadu dae su Cussìgiu pro s'art. 42, comma 2, de su decretu legislativu 18 austu 2000, n. 267»;*
- s'art. 3, comma 56, de sa lege n. 244/2007 (finantziària 2008), gasi comente sostituìdu dae s'art. 46, comma 3, de su D.L. n. 112/2008, chi resat: *«Cun su regulamentu de chi a s'articulu 89 de su decretu legislativu 18 austu 2000, n. 267, sunt fissados, in cunformidade a cantu istabilidu dae is disponimentos vigentes, is lìmities, is critèrios e is modalidades pro s'afidamentu de incàrrigos de collaboratzione autònoma, chi s'àplicant a totus is tipologias de prestatziones. Sa violatzione de is disponimentos regulamentàrios a is chi si faghet riferimentu constituit illètztu disciplinare e determinat responsabilidade erariale. Su lìmite màssimu de su gastu annuale pro incàrrigos de collaboratzione est fissadu in su bilantzu preventivu de is entes territoriales»;*
- s'art. 7, comma 6, de su D.Lgs. n. 165/2001 (Normas generales in s'ordinamentu de su trabbu a is dipendèntzias de is amministratziones pùblicas), chi resat: *«[...]pro bisòngios ispetzìficos chi non podent afrontare cun personale in servitziu, is amministratziones pùblicas podent cunferire incàrrigos individuales isceti, cun cuntratos de trabbu autònomu, a espertos de particolare e ispetzializatzione fintzas universitària cumprovada, in presèntzia de is presupostos de legitimidades in fatu:*
 - a) s'ogetu de sa prestatzione depet currispòndere a is cumpetèntzias atribuidas dae s'ordinamentu a s'amministratzione chi cunferit, a obietivos e progetos ispetzìficos e determinados e depet resurtare

coerente cun is bisòngios de funtzionalidades de s'amministratzione chi cunferit;

b) s'amministratzione depet àere atzertadu in manera preliminar s'impossibilitade ogetiva de impreare is risursas umanas disponìbiles a s'internu suo;

c) sa prestatzione depet èssere de natura temporale e artamente cualificada; no est ammitidu su rinnovu; s'eventuale pròroga de s'incàrrigu originàriu est cunsentida, in bia etzetzionale, a su solu fine de cumpietare su progetu e pro ritardos no imputàbiles a su collaboradore, mantenende sa medida de su cumpensu cuncordadu in sede de afidamentu de s'incàrrigu;

d) depent èssere determinados in manera preventiva durada, ogetu e cumpensu de sa collaboratzione.

Si ponet a banda dae su requisitu de s'ispetzializatzione universitària cumprovada in casu de istèrrida de cuntratos de collaboratzione pro fainas chi depant èssere acumpridas dae profesionistas iscritos in òrdines o albos o cun suetos chi òperent in su campu de s'arte, de s'ispetàculu, de is mestieris artesanales o de sa faina informàtica e puru in agiudu de sa faina didàtica e de chirca, pro is servìtzios de orientamentu, inclùdidu su collocamentu, e de tzertificatzione de is cuntratos de traballu de chi a su decretu legislativu 10 de cabudanni 2003, n. 276, puru chi sena òneres noos o majores a càrrigu de sa finàntzia pùblica, mantenende sa netzessidade de atzertare sa madurada esperièntzia in su setore.

Su ricursu a is cuntratos de chi a su comma presente pro s'acumprimentu de funtziones ordinàrias o s'usu de is suetos incarrigados pro su matessi comma comente a traballadores subordinados est càusa de responsabilidade amministrativa pro su dirigente chi at stipuladu is cuntratos. [...];

Bida sa deliberatzione de sa Corte de is Contos-Setzione regionale de controllu pro sa Lombardia n. 37 de su 04/03/2008 puru sa deliberatzione imbeniente de sa Corte de is Contos-Setzione de is autonomias n. 6 de su 14/03/2008, is chi pronunziende si cun riferimentu a sa normativa subra mentovada, pretzisant chi non sunt inclùdidas in su campu de aplicatzione de s'art. 3, commas 55 e 56, de sa lege n. 244/2007 is incàrrigos cunferidos pro fainas istitutzionales istabilidas dae sa lege e cussos relativos a matèrias, comente a s'apaltu de traballos o de benes o de servìtzios, de chi a su D.Lgs. n. 163/2006 (oe D.Lgs. 50/2016) (gasi naradu "Còdighe de is cuntratos pùblicos"), in cantu giai disciplinados in manera autònoma;

Cunsideradu:

- chi cun deliberatzione de su Comunale n. XX in data de oe est istadu aprovadu su documentu ùnicu de programmatzione (DUP simplificadu) 2020/2022;

- chi, pro sa realizatzione de is missiones/programmas de chi a su DUP simplificadu 2020/2022, de is chi ant a calare is obietivos de gestione de previdere in su Pranu operativu de gestione 2020, in sa base de is bisòngios espressados dae is Responsàbiles de servìtziu, si podet previdere in manera indicativa su bisòngiu de protzedire a s'afidamentu a s'esternu de incàrrigos de collaboratzione autònoma non referidos a fainas istituzionales istabilidas dae sa lege, giustificadu dae is resones in fatu:

- a) *si tratat de obietivos pro is chi resurtat oportunu achirire de s'esternu is cumpetèntzias professionali netzessàrias e ispetzìficas, ligadas fintzas a sa solutzione de problemàticas giurìdicas e/o de gestione de cumplessidade notèvole;*
- b) *impossibilitade de impreare su personale dipendente in fortza a s'ente pro mancàntzia de professionalidade ispetzìfica, de valutare cada casu;*

Cunsiderad puru netzessàriu protzedire a s'aprovatzione de su "Programma pro s'afidamentu de incàrrigos de collaboratzione autònoma pro s'annu 2020";

Dadu àtu chi in sa proposta de sa deliberatzione presente, pro s'art. 49 de su D.Lgs. 18/08/2000, n. 267 e mudas e integrazziones imbenientes, ant espressadu is pàrteres chi s'allegant:

- Su responsàbile de su servìtziu amministrativu, pro cantu pertocat sa regularidade tècnica;
- Su responsàbile de su settore finantziàriu, pro cantu pertocat sa regularidade contàbile;

DELÌBERAT

1) De approvare s'allegadu "Programma pro s'afidamentu de incàrrigos de collaboratzione autònoma pro s'annu 2020" (Allegadu "**A**") chi cuntenet s'indicu de is incàrrigos de collaboratzione autònoma in riferimentu a is diversos setores in is chi est partida sa macro istrutura comunale.

2) De dare àtu chi s'allegadu "A" interessat totus is formas de collaboratzione autònoma, a etzetzione de is incàrrigos cunferidos pro fainas istituzionales prevididas dae sa lege e cussos relativos a s'apaltu de traballos o de benes o de servìtzios de chi a su D.Lgs. n. 50/2016, chi at sostituìdu su D.Lgs. n. 163/2006 (naradu "Còdighe

de is cuntratos pùblicos”), comente indicadu in manera non cumpleta in s'allegadu etotu.

3) De determinare, in s'àmbitu de su Bilantzu de previsionione 2020/2022, in €. 0,00 su lìmite màssimu de gastu pro narados incàrrigos de collaboratzione autònoma.

4) De partzire su lìmite de gastu de chi a su pretzedente puntu 3) tra is setores, comente indicadu in fatu:

PROGRAMMA	LÌMITE DE GASTU
AMMINISTRATZIONE GENERALE	Peruna previsione.....
Àteros setores in is chi est articuladu su comunu	Peruna previsione.....
TOTALE	Peruna previsione.....

5) De dare àutu:

- chi podet èssere modificada sa partidura de summa tra is diferentes setores, in is lìmites de is risursas atribuidas cun su POG e de sa summa màssima fissada a su puntu pretzedente 3);
- chi s'in casu de eventuales gastos noos o majores respetu a su lìmite màssimu de chi a su pretzedente puntu 3), is variatziones de bilantzu relativas ant a cumportare muda a su presente programma;
- chi s'importu de chi a su pretzedente puntu 3) at a bènnere partzidu tra is diferentes capìtulos/artìculos de su POG 2020, chi at a èssere ogetu de aprovatzione pro parte de sa Giunta Comunale;
- chi s'afidamentu de is incàrrigos mentovados s'at a atuare in su respetu de is disponimentos de su “Regulamentu in s'ordinamentu de is ufìtzios e de is servìtzios - Disciplina de s'afidamentu de is incàrrigos de collaboratzione”;

6) De trasmitere su provedimentu presente a is Responsàbiles de is Setores.

7) De declarare sa deliberatzione presente esecutàbile deretu pro s'art. 134, comma 4, de su D.Lgs. n. 267/2000 e mudas e integrazziones imbenientes, bidu s'apretu de nde dare luego esecutividade.

Parre a subra de sa proposta: in òrdine a sa regularidade tècnica pro s'art. 49, comma primu, de su Decretu Legislativu 267/2000 e cambiamentos e integratziones sutzessivos.

Sa Responsàbile de su Servitziu
F.du Francesca Ara

Parre a subra de sa proposta: in òrdine a sa regularidade contàbile pro s'art. 49, comma primu, Decretu Legislativu 267/2000 e cambiamentos e integratziones sutzessivos.

Sa Responsàbile de su Servitziu
F.du Francesca Ara

Su verbale benit sutascritu gasi

Su Sìndigu
F.du Dott. Davide Corrìga

Sa Segretària Comunale
F.du Dott.ssa Donatella Mancosu

ATESTADU DE PUBLICATZIONE

S'atestat chi còpia de sa deliberatzione est publicada in su situ istituzionale de su Comunu, atzessibile a su pùblicu, pro s'art. 32, comma 1, de sa Lege 69 de su 18/06/2009, partinde dae su 19/08/2019, pro abarrare bìndighi dies consecutivas, e in manera cuntestuale comunicada a is Grupos Consiliares.

Su 13/12/2019

Sa Segretària Comunale
F.du Dott.ssa Donatella Mancosu

Còpia cunforme a s'originale pro impreu amministrativu

Su 13/12/2019

Su Missu Notificatore
F.du Dott. Paolo Carta